

QUÆSTIO MEDICA PHYSIOLOGICA

Proposita ab illustrissimo Viro D. D. PETRO MAGNOL Regis Consiliario & Medico, nec-non in
almâ Monspelienſium Medicorum Academiâ Professore Regio digniſſimo

Sub hac verſorum ferie,

A N

TOTUM GENERATIONIS NEGOTIUM AD MECHANICÆ LEGES REFERENDUM.

lc

IN Studiis Anatomicis primum eſt ponendum Medicinæ tyrocinium : Anatome ſiquidem Artis ſaluberrimæ clavis ac veluti ſons, in omnes ejus partes latè manat ac funditur ; docet quo motu, quâ velocitatè ſanguis corpus roret univerſum ; quâ non ſatis laudandâ ſymmetriâ humores diverſi, qui per vaſa ſuunt corporis incernicula, à ſanguine ſecernantur ; quæ alimenta ſubigat ſuccus ; quis nutriat. Hinc juvat depromere rationes, & cauſas penitus tentare latentès reciproci reſpirationis motus ; undè nervorum ſympathiæ & muſculorum actio ; quid aura ſeminalis aſſer ad generationem ; Et in corpore viventi, quid velit & poſſit rerum concordia diſcors. Quæ omnia perſpiciat Medicus neceſſe eſt, ſi ſui nominis famam tueri velit : & ſanè demiffè ſentit, quiſquis arbitratur cum Poetâ ſolum Medici officium eſſe, ſcire herbarum vires, uſumque medendi. Alia longè Medicinæ præſtantia, alia amplitudo. Ea ſcilicet quidquid rerum univerſitas ambitu ſuo complectitur, quidquid corpus humanum, è multis machinis machina, imis recondit viſceribus, ſcrutatur ac reſerat ; vaſorum contextum, diametros & diſtributionem perpendit ; egregiam colorum ſtructuram obſervat ; tum & ſanguinis indolem, motus, reſiſtentiâ, & determinationem ; partium ſolidarum miram compagem, trochæas, cuncos, veſtes omnium generum & ſimilia. At GENERATIONE quid curioſius, quid uberius ! Generatio cò magis mira, quò minus nota ; obſcupeſcentem ſuſpendit animum, tot phænomenis ſtipata. Sed ignorent aures pudicæ Medico, naturæ arcanorum indagatori ; nec quiſquam ſcurrilibus & nefariis moribus tribuat, quod hic non-niſi ſummâ mentis acie contemplantur.

MAS & FEMINA mutuo ſui deſiderio incenduntur ; hinc generis perennitas. In primâ adoleſcētâ marem, conſpectâ virgine, neſcio quis æſtus invadit inexpertus ; pudore repentinò ſuffunditur illius vultus, palpeſcit modò, modò erubeſcit ; moventur hūc & illū oculi ſcintillantes ; pectus æſtuat ; palpat cor ; tiſillant virilia ; penis erigitur. Annum puella vix decimum-quartum, imò & quondòque duodecimum attingit, cū quædam ſanguinis copia ſingulis menſibus ipſi manare ſoleat per dies aliquot. Tunc perſiſtitit cupidinis ceſtrum ; oblato mare, mens ejus conturbatur ; corpus flagrat. Mas & Femella genitalium prurigne accenſi, cum incredibili voluptate, ſi licuerit, ruunt in teneros amplexus ; uterque exandefcit. Mas ſemen in uteri loculos, mulier ſerum acre ac limpидum per vaginæ oſtiola ejaculatur. Haſtenus delicia ; mox ſeminæ labor. Toto corpore inhorreſcit poſt inmiſſum ſecundum ſemen ; euchyama ſuſcipit alimenta ; piperata, ſalfa, imò & abſurda appetit. Adhæc, ruſtus nidoroſi, nauſea, vomitio, cardialgia, ſuppreſſio menſium, capitis & corporis gravitas, animi deliquia, mammarum tumor. Poſtre mò, elapſi à fecundatione quindècim circiter diebus, in utero reperitur veſicula pellucida, in quâ ſetus rudimentum apparet, ut quereus in maturâ glande. Hæc adhæreſcit utero, ſuccreſcit ; fit ſœtus. Is augetur, ac ranem novem ſerè poſt menſes calcitrat, & per apertum matricis oſtium cum appenſis ſecundinis editur ad dias luminis auras. Cuncta hæc pendent tum à vaſorum ſtructurâ, tum à partium fluidarum motu, ſiquid, mole.

ELEGANS eſt in utroque ſexu partium procreationi dicatarum apparatus, mirum artificium. Teſtibus ſem-pis à ſanguine ſecernendi provincia delegata eſt ; vaſis deferentibus, deducendi ; capſulis ſeminalibus, coacervandi ; muſculis acceleratoribus & erectoribus, ejaculandi. Sua ſingulis partibus ineſt conformatio, numeris organorum ingens, figura multiplex, intricatus ordo. Vaſa deferentia, epididymides, teſtes ſeminis ſunt incernicula. Nec ex acinis conſtant glanduloſi, ut hepar, pancreas, parotides ; ſed vaſculis innumeris, intus obductis membranulâ veſiculis conſperſâ, vaſis ſanguineis irroratâ, quæ ſemen incernit. Hoc ad veſiculas ſeminales delatum ibidem torpet, donec vel copiâ turgens, vel amoris illacebris ſuſcitatum, ſua obducta conceptacula ; maximo cum impetu & exquisitiſſimo ſenſu inſilit in urethram, & foras erumpit. Mentula, unicus derivandi ſeminis tubus, ligamentis duobus cavernoſis, ſanguine turgidis, intumefcit. Semen quod vibrat, ſulphure pingueſcit : acido luxuriat : ubicumque dulce eſt, ibi & acidum invenies. Singulare habet artificium uterus, ut ſemen hauriat, excipiat, foveat. Præter membranas tenues & carneas, quibus textitur, & vaſa ſanguinea & lymphatica, quibus irrigatur, ductus habet exiliſſimos, per internam illius membranam flexuoſis ambagibus repentes, intraſque eructantes humorem ſalūm ac limpидum ſalibus ac monico, analogis ſaturatum. Uterus & vagina ſucco illo ſubacti perpetuò madent, qui ad eò crudus in Virginibus, ut non efferveſcat, niſi anno ut-primū duodecimo ; quo tempore ſalia quibus turget, vigent ſanguinis fermentatione exaltantur ; & ſulphureis nexibus, quibus implicabantur ſolutis, magnâ copiâ ſuunt per uteri vaſculo-veſiculares glandulas, quæ ſero his ſalibus onuſo, turgidæ venas adjacentes preſcunt, ſanguiniſque effuſioni, interceptâ circulatione, ſingulis menſibus anſam præbent. Fermentum uterinum dicimus, ſuccum acerrimum, quo perfunditur uterus ; & menſtruam purgationem, eundem humorem cruore inſuſum.

